

Apabila YAB Dato' Seri Dr Mahathir Mohamad mengumumkan Malaysia akan mengeluarkan keretanya sendiri, kita mendengar berbagai toman dan komentar negatif daripada beberapa pihak termasuk golongan cendekiawan dan industrilis. Hasrat ini dikatakan hanyalah satu angan-angan yang tidak mungkin terjadi. Memang benar, berikutan logikinya ketika itu adalah mustahil bagi negara seperti Malaysia untuk mengeluarkan keretanya sendiri dengan jayanya. Hari ini lambang *Bintang* di kereta Proton telah dengan jayanya menjelajahi jalan-jalan raya di England dan belasan negara lain, menjadikan ia suatu simbol kejayaan dan kebanggaan yang tidak pernah terfikir oleh kebanyakan kita.

Itulah Dato' Seri Dr Mahathir, seorang insan yang bijaksana, berjiwa besar, amat berani, strategis, aneh, sabar, berdidikasi, seni, prihatin, berjiwa rakyat dan paling terserlah adalah berwawasan. Jasa dan agendanya terlalu banyak untuk dibincangkan apalagi difahami kebanyakan kita. Sebenarnya rakyat Malaysia terlalu banyak berhutang budi kepada pemimpin besar ini. Pada pandangan kami, sebagai perbandingan, jasa beliau menghasilkan kereta nasional sahajapun tidak mungkin terbalas kerana selain daripada mempercepatkan proses industrilisasi Malaysia, yang amat penting juga adalah telah mendarjatkan maruah bangsa yang selama ini agak hilang arah.

Sebenarnya jika hendak ditulis, terlalu banyak perkara dan projek baru yang diperkenalkan oleh Dato' Seri Dr Mahathir. Dasar Pandang Ke Timur, Penerapan Nilai-Nilai Islam, Dasar Luar yang lebih jelas dan berani serta tegas, Wawasan 2020, Perilaksanaan Dasar Ekonomi yang unik, Dasar Pendidikan Negara dan projek-projek Kereta dan Motosikal Nasional, KLIA, KL Tower, KLCC, Putra Jaya, Bakun, MSC adalah sebahagian yang kita nampak. Dengan kematangan mentadbir dan kemampuan menangani semua cabaran politik, negara menjadi aman dan stabil. Dalam suasana positif inilah projek-projek besar ini dilaksanakan lalu telah membawa kesejahteraan dan kemakmuran kepada rakyat dan menjanjikan peluang kepada mereka yang rajin. Namun dengan semua kejayaan dan pengorbanan ini, pemimpin gigih yang telah terlalu banyak berjasa kepada kita semua masih dengan ikhlas menganggap perjuangannya masih belum selesai dan masih sentiasa menabur budi dan berbakti. Tajuk buku ini juga diambil dari satu realiti dan dari apa yang lahir daripada hati murni seorang pemimpin patriot dan pejuang sebenar.

Penerbitan buku ini adalah satu percubaan bagi mencatat antara perkara yang diketahui dan dianggap penting dalam perjalanan dan perjuangan hidup Dato' Seri Dr Mahathir sejak zaman mudanya dahulu sehingga masuk tahun ke 16 belas kepimpinan beliau. Adalah diharapkan buku ini dapat memberi peluang kepada rakyat Malaysia melihat budaya dan amalan kerja serta kehidupan Dato' Seri Dr Mahathir. Ini harus dapat dijadikan sumber inspirasi kepada kita semua yang kebanyakannya jauh lebih muda.

M  
1154531


M  
923.2595  
REC

21 OCT 2004  
Perpustakaan Negara  
Malaysia

NAS

TOPPING

Y.A



YAB Dato' Seri merasmikan acara "Topping-Up" di Menara Kembar Petronas, bangunan tertinggi di dunia.  
*YAB Dato' Seri officiating the "Topping-Up" ceremony of the Petronas Twin Towers, the world's tallest building.*



Buku ini juga mengutarakan nilai-nilai kekeluargaan dan kemanusiaan yang diamalkan oleh Dato' Seri Dr Mahathir sebagai seorang insan biasa, suami, bapa di samping seorang pemimpin ulung. Sudah tentu nilai-nilai ini telah memainkan peranan yang penting dalam kejayaan kepimpinan beliau dan pencernaan pentadbiran negara selama ini. Dan dalam kecapan gemilang ini, sokongan dan iringan YABhg Datin Seri Dr Siti Hasmah sebagai rakan yang paling setia dalam hidup beliau melalui ranjau dan cabaran berliku dalam memimpin negara ini kearah Wawasan 2020 adalah paling ketara. Kehebatan pasangan ini harus dilihat sebagai satu contoh hidup kejayaan institusi keluarga kepada kita semua. Sehubungan dengan itu, kulit buku ini juga telah direka bagi melambangkan ini dan peranan seorang isteri dalam kejayaan suami dan keluarga. Sifat-sifat murni dan kerjasama dalam institusi keluarga ini juga harus diambil sebagai panduan kepada kita semua dalam menangani hari-hari mendatang.

Sesungguhnya, yang sama penting juga adalah kejayaan Dato' Seri Dr Mahathir bukanlah sekadar membawa Malaysia ke arah sebuah negara maju tetapi kejayaan beliau menyakinkan rakyat Malaysia yang berbilang agama, kaum, keturunan serta bahasa untuk bekerjasama dengan perasaan hormat-menghormati sementara membentuk semangat keMalaysiaan yang lebih jitu dan paling unik di dunia. Dato' Seri Dr Mahathir juga menjadi simbol perpaduan dan inspirasi serta kejayaan perjuangan, keadilan semua rakyat Malaysia khususnya dan masyarakat dunia ketiga amnya.

Kami di Kelab Cinta Malaysia amat kagum dengan keperibadian dan kejayaan Dato' Seri Dr Mahathir dan amat menghargai pengorbanan beliau dan atas dasar inilah kami cuba menerbitkan buku ini. Tujuan diterbitkan dalam dwi bahasa pula adalah bagi membolehkan lanya diedarkan ke luar negara sebagai satu usaha berterusan mendaulatkan Bangsa Malaysia dengan memperlihatkan kejayaan-kejayaan cemerlang negara di mata dunia.

Kami ingin memohon maaf jika terdapat sebarang kesilapan dan tidak kesempurnaan yang tidak disengajakan dalam apajua bentuk yang mungkin terdapat dalam buku ini. Jika mana-mana pembaca ingin memberi sebarang cadangan atau teguran, sila hubungi kami di alamat kami. Di atas sebab-sebab tertentu juga terdapat beberapa bahagian dalam buku ini yang tidak dilengkapi dengan nama atau tarikh peristiwa atau tokoh-tokoh tertentu. Jika para pembaca memerlukan penerangan lanjut bolehlah menghubungi kami.

Buku ini juga dimuatkan dengan satu bahagian khas bagi memperlihatkan gambar-gambar Dato' Seri Dr Mahathir dalam berbagai situasi dan keadaan yang menarik dan bermakna.

Akhir kata kami ingin mengucapkan ribuan penghargaan kepada semua individu dan syarikat serta organisasi yang telah memberi bantuan dan sumbangan sehingga terbitnya buku ini.

Kami berdoa agar Allah melanjutkan usia *Perwira* kami ini serta diberkatkan, dilimpahkan rahmat, diberi pertunjuk, hidayah serta kesihatan yang baik agar dapat meneruskan *perjuangan pemimpin kami yang belum selesai ini*. Amin.





Upacara perasmian KL Tower.  
*The official launching of the KL Tower.*



MENTERI PERPADUAN NEGARA DAN PEMBANGUNAN MASYARAKAT  
MALAYSIA

## KATA-KATA ALUAN

Ada awal tahun lapan puluhan, ramal pendatang tanpa izin, termasuk dari Malaysia pergi ke Singapura, Jepun, Taiwan, negara-negara mewah yang menjanjikan gaji yang lumayan. Kita tidak pernah menjangkakan yang ini akan terjadi di Malaysia. Hari ini lebih 1 juta warga asing mencari kehidupan di bumi bertuah ini.

Sesungguhnya Malaysia merupakan sebuah negara yang amat bertuah dan bernasib baik kerana dikurniakan kemakmuran dan keamanan yang jarang dinikmati oleh negara-negara lain terutama negara yang mempunyai komposisi kaum dan kebudayaan yang sekomplek Malaysia. Kemakmuran serta kesejahteraan serta kemewahan, kestabilan politik ini sebenarnya tidak ujud tanpa usaha, perancangan yang bijak, strategis serta pengorbanan pemimpin kita YAB Dato' Seri Dr Mahathir Mohamad, Perdana Menteri yang kita kasih.

Adalah terlalu banyak untuk kita menyenaraikan satu persatu sumbangan beliau sejak memimpin kita. Agendanya terlalu berbagai kompleks dan berwawasan. Usaha ikhlas beliau mempertahankan serta meninggikan maruah bangsa dan manusia sejagat haruslah dikenang dan dihargai dan dicatat agar menjadi contoh kepada generasi akan datang. Justeru itu, saya amat mengalu-alukan usaha menerbitkan buku ini yang mana mencatatkan perjalanan dan detik-detik penting YAB Perdana Menteri kita. Saya yakin, kita boleh mengambil iktibar daripada budaya kerja dan disiplin serta kesungguhan YAB menjalankan tugas dan tanggungjawab. Sebagai salah seorang Ahli Jemaah Menteri, saya amat bertuah kerana berpeluang berkhidmat di bawah pemimpin unggul dunia, YAB Dato' Seri dan sebagai rakyat biasa pula saya sentiasa mensyukuri nikmat dapat hidup di dalam sebuah negara yang aman dan makmur. Dalam harapan yang sama, saya juga berharap kita semua rakyat Malaysia bersyukur dan menghargai lalu mengambil contoh dan tauladan amalan YAB Dato' Seri.

Akhir kata saya ingin mengucapkan tahniah dan penghargaan kepada semua yang membantu sehingga terbitnya buku ini.

"SELAMAT MAJU JAYA"

DATIN PADUKA HAJJAH ZALEHA ISMAIL

